

VAN DIE SUSTERS

* Oktoberfees *

Die Susters se verkoping vind Saterdag 26 Oktober 2024 plaas
Ons begin om 08:30 tot 12:00.

Die verkopingslyste is in die saal beskikbaar en ons versoek elke wyksuster vriendelik om haar lys te neem en haar wykslede te kontak vir hulp of donasies.

Al die besonderhede aangaande die verkoping word op die lyste aangedui en ons bedank Dina vir die keurige uiteensetting daarvan.

Groete *Nelly*

DANKOFFER-BYDRAE EN KOLLEKTES SE INBETALINGS

Lidmate word daaraan herinner om u **maandelikse dankofferbydrae** in te betaal in die **Kerkraad se rekening**. Dui asseblief u naam, van, en wyknommer duidelik aan. **Bydraes vir die diakonie** asook die ander **spesiale kollektes** kan inbetaal word in die **Diakonie se rekening**. Gee asb 'n duidelike verwysing by u bydraes sodat dit korrek toegewys kan word.

Besonderhede van die rekeninge word hier onder gegee.

Kerkraad: Gereformeerde Kerk Potchefstroom.

Diakonie: **Diakonie GK Potchefstroom.**

Susters: **Susters van die Gereformeerde Kerk Potchefstroom**

Bank Potchefstroom.

HAMBURGERBRAAI



Die volgende gemeente-aand en hamburgerbraai


VRYDAGAAND

20 SEPTEMBER 2024



Ons kuier gesellig saam by die saal vanaf **16:30**
Vir 'n bestelling bel Pieter by die kerkkantoor
☎ 018 294 4600 of ☎ 082 923 1384

R 30 per hamburger. Pannekoek **R 5** Worsbroodjies **R 30**



Op die Kerkwerf

Gemeenteblad van die Gereformeerde Kerk Potchefstroom
Jaargang 40, nr 29 Sondag 8 September 2024

REDAKTEUR: RUDY VAN DER SPOEL 082 864 4422

rudynell@telkomsa.net

Eredienste: 09:30 en 17:00

Kantoor 018 294 4600

Orrelis: Magda Pelser-van der Merwe 079 872 2516 Koster Pieter Bouwsema 082 923 1384

E-posadres: kantoor@gkpotchefstroom.co.za

Web: www.gkpotchefstroom.co.za

Prediker: Ds Jannes van Dyk 072 224 7181

Hulpprediker: Prof Callie Coetzee 082 337 7951

Diensbeurte by eredienste en kategeese:

Ouderlinge: Wyk 5 Nelis Coetzee en Wyk 6 Flip Mostert.

Diakens: Wyk 5 Geert Stoop en Wyk 6 is vakant.

Skinkbeurt: Wyke 9 & 10. Leana Mostert en Mabel Glöy

EREDIENSTE Albei dienste word gelei deur ds Jannes van Dyk

Goeiedag broers en susters, kinders en besoekers

Oggenddiens om 9:30, aanddiens om 18:00

Eredienste ook per whatsapp

OGGEND: Woordbediening: 1 Samuel 16:1-23 (AFR'20)

Fokusverse: 1 Samuel 16:18b

TEMA: "Die verreikende gevolge van die *HERE* se teenwoordigheid in die lewe van sy gesalfdes"

Sing: Psalm 22:4, 9; Psalm 34:1, 2, 8; Psalm 86:3, 4; Psalm 31:5, 17, 19;
Psalm 134:4; Psalm 28:6, 7, 8.

Bede met meelewing: Psalm 86:1, 8.

AAND: Woordbediening: Filippense 1.

Fokusverse: Filippense 1:29 (vgl. Efesiërs 2:8).

TEMA: "Geloof en ongeloof het nie dieselfde Bron nie – dank die *Here* vir sy genade"

Sing: Skrifberyming 12-7:1, 2, 3; Psalm 146:1, 2, 3; Psalm 27:4, 6;
Skrifberyming 14-4:1, 2, 3, 4 (83).

KOLLEKTES VANOGGEND: *Diens van Barmhartigheid* in die **BLOU** sakkies en in die **ROOI** sakkies vir die *Proponente Hulpfonds*
VANAAND: *Diens van Barmhartigheid* (**BLOU**) en *Kerkkas* (**ROOI**)

(Volgende week se spesiale kollekte is vir die *Bystandsfonds vir Diakonieë* **SDDS**)

LIEF EN LEEÐ OOG VIR MEKAAR

VOORBIDDING

Ons doen graag voorbidding vir die volgende broers en susters en hulle geliefdes. Mag ons hemelse Vader u in sy liefde en trou vashou, dra en ook vir u uitkoms gee:

Suzie Marais is Maandag in Medikliniek opgeneem en het Dinsdag 'n heupvervanging ondergaan nadat sy Sondagnag geval en haar heup gebreek het. Ons is dankbaar saam met Suzie en Karel vir die goeie afloop van die operasie en bid Suzie 'n volkome herstel toe.

Jeanette Fourie moes Donderdag by Mooimed toetse ondergaan vir haar niere. Sy ervaar baie pyn en ons bede is dat die uitslae gunstig sal wees.

Magda Pelsers-van der Merwe het in die komende week 'n afspraak met die gastroenteroloog by Unitas Hospitaal. Daarby het sy ook die afgelope week nuus ontvang dat sy op 2 Oktober 'n lensvervanging moet ondergaan en daarna vir laserbehandeling. Die moontlikheid van 'n tweede prosedure is ook nie uitgesluit nie. Ons verseker haar en Theo en Ina van ons voorbidding.

Gert van Blerk is Woensdag per ambulans na die ongevalleafdeling van Medikliniek geneem nadat paramedici bekommerd was oor Gert se hart. Ons is dankbaar dat hy in die ongevalle behandel kon word en 'n rukkie later sonder komplikasies ontslaan kon word.

DANKBAARHEID

Ons deel in die dankbaarheid en deel in die vreugde van ons broers en susters en ook in die dankbaarheid van hulle en hulle geliefdes vir wie daar deur ons Here se genade uitkoms gekom het:

Van ons broers en susters het die afgelope weke groot operasies ondergaan, en ons is saam met hulle baie dankbaar vir die goeie herstel wat hulle mag ontvang:

- * Hendra Bouwsema, * Sybrand van der Merwe, en
- * Kobus Havenga.

VOORSPOEDIGE REIS / WELKOM TERUG

Van ons broers en susters gaan vir korter of langer periodes reis of met vakansie – ook na die buiteland. Mag ons hemelse Vader u voet op die reispad behoed en u beskerm en veilig na ons terug bring.

ALGEMENE AFKONDIGINGS

DAGBOEK

Dag	Datum	Tyd	Aktiwiteit	Vergaderplek
Siekebesoek, pastorale besoeke en huisbesoeke volgens afspraak				
Di	10/09	15:00	Bybelstudie- Huis Eikelaan	Rooi sitkamer
Wo	11/09	18:00	Bybelstudie-Matteus, Studie 5	Konsistorie

KATKISASIE	Sondag 8 September	Sondag 15 September
Lesrooster:	Les 21	Les 22
Psalmvers:	Skrifberyming 1-2: 2	Skrifberyming 1-3: 1 r. 1-4
Heidelbergse Kategismus:	Sondag 47	Sondag 48
Memoriseerwerk (Gr. 1-2)	Eksodus 20: 10	Eksodus 20: 11
Katkisasie toesig (ouderlinge):	Graad 1 & 2: Wyk 5 Graad 3 & 4: Wyk 6	Graad 5 & 6: Wyk 7 Graad 7: Wyk 8
Hoërskoolkatkisasie	Les 15	Les 16

BYBELSTUDIES

– HUIS EIKELAAN DINSDAG OM 15:00

Bybelstudie by Huis Eikelaan in die rooi sitkamer. Almal is welkom. TEMA: *Die leer oor die Heilige Gees.*

– WOENSDAE OM 18:00 IN DIE KONSISTORIE

U word hartlik uitgenooi na die Bybelstudiegeleentheid Woensdag-aande om 18:00 in die konsistorie. Die boekie van prof. Jorrie Jordaan, *“Voëlvlug deur die boeke van die Nuwe Testament”*, word behandel. Studie 5 uit die Matteusewangelie.

APPROBASIE

Die name van **André Vorster** en **Danie Erasmus** word ter approbasie aan die gemeente voorgehou vir die diens van ouderling. Ons verseker ons broers van ons voorbidding vir hulle in die oorweging van hierdie roeping

BEVESTIGING AS DIAKEN

Nadat sy naam reeds genoegsaam afgekondig is in die gemeente sal **Gernot Schaaf** DV vandag in die diens van diaken bevestig word. Ons dank die Here vir die gawes wat Hy aan Gernot gegee het, en bid Gernot ryke seën in sy dienswerk toe!

ATTESTAAT ONTVANG:

Ons verwelkom met attestaat vanaf die Gereformeerde Kerk Potchefstroom-Die Bult **Jurinda van Schalkwyk** in ons midde. Ons hoop om haar volgende Sondag behoorlik te verwelkom